

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 053759 07 St
Tuzla, 03.07.2024. godine

Općinski sud u Tuzli, sudija Vedran Milašinović, kao stečajni sudija u postupku stečaja nad imovinom dužnika „Fabrika sode Lukavac“ d.d. u stečaju Lukavac, donio je dana 03.07.2024. godine sljedeće:

RJEŠENJE

Dozvoljava se prenos novčanih sredstava sa računa stečajnog dužnika „Fabrika sode Lukavac“ d.d. u stečaju Lukavac, na depozitni račun Općinskog suda u Tuzli, a radi naknadnih isplata po zahtjevima stečajnih povjerilaca kojima do sada nisu isplaćena sredstva od diobe, a koji prijenos se ima izvršiti u skladu sa instrukcijom računovodstva ovog suda od 22.05.2024. godine.

Obrazloženje

Dana 15.05.2024. godine sud je zaprimio upit za instrukcije za prenos sredstava od diobe na depozitni račun suda dostavljen od strane stečajnog upravnika Alise Bijedić u kojem se navodi da je nakon donošenja potrebnih Odluka i provedenih procedura za 1. diobu sredstava u predmetu FSL d.d. Lukavac u stečaju, u decembru 2016. godine započet je proces diobe sredstava.

Prema utvrđenim činjenicama obaveze za isplatu po diobi su iznosile;

1. založno (razlučno) pravo JKP Spreča u 100% iznosu od 78.864,83 KM
2. naknadnom ispravkom greške u tabeli, viši isplatni red Čedić Seadu (nasljednica Čedić Sabaha) u 100% u iznosu 10.360,00 KM
3. opći isplatni red u procesu naplate 7,1206%, iznos za diobu 5.500.000,00 KM

Razlučno pravo i viši isplatni red namireni su u 100% naznačenom iznosu.

Što se tiče općeg isplatnog reda, bilo je potrebno izvršiti 1787 pojedinačnih isplata fizičkih i pravnim licima kao i bivšim uposlenicima. Zbog proteka vremena od otvaranja stečajnog postupka do diobe sredstava (10 godina), kao i nedostatka dokumentacije i nepostojanja elektronske evidencije kod suda (CMS baza u 2007. godine nije postojala), naišla sam na poteškoće prilikom pronalaska podataka o licima kojima je bilo potrebno izvršiti isplate.

Podaci su prikupljeni direktnim kontaktom sa uposlenicima u kadrovskoj službi Sisecam-a, Porezne uprave, advokata, interneta, društvenih mreža, obavještenjem na oglasnoj tabli suda i oglasnoj tabli Sisecam Lukavac.

Nakon svega navedenog, od spomenutih 1787 potrebnih pojedinačnih isplata i ukupnog iznosa od 5.589.224,83 KM, preostalo za isplatiti je 242 pojedinačne isplate u ukupnom iznosu od 70.402,99 KM, što predstavlja 1,25% neisplaćenih sredstava.

Kako su se stekli uslovi za zaključenje stečajnog postupka, moli sud da se odobri da preostala sredstava od 1. diobe doznači na depozitni račun Općinskog suda u Tuzli, uz listu pojedinačnih preostalih neisplaćenih obaveza, kako bi i nakon zaključenja postupka povjeriocima koji se jave, sud mogao doznačiti pripadajuća sredstva. Navodi da ukoliko je potrebno da sudu doznači i sredstva za provizije za eventualne isplate, da sud o tome odluči, a da u prilogu dostavlja tabelarni pregled neisplaćenih sredstava od prve diobe te moli da joj se dostavi instrukcija za uplatu. U prilogu podneska je dostavljena lista povjerilaca kojima sredstva od diobe do sada nisu isplaćena i to odvojene liste za povjerioce fizička lica, pravna lica i radnike.

Radi postupanja po navedenom zahtjevu stečajnog upravnika zatraženo je izjašnjenje od odjela računovodstva ovog suda, koje je dostavilo izjašnjenje od 22.05.2024. godine u kojem se navodi da se preostala sredstva mogu prenijeti na depozitni račun suda uz rješenje stečajnog sudije kojim se dozvoljava prenos sredstva, te se daje instrukcija za prenos i navodi da sredstva koja se isplaćuju sa depozitnog računa suda ne podliježu plaćanju provizije, a shodno potpisanom ugovoru o vođenju računa između banke i suda.

Razmatrajući zahtjev stečajnog upravnika sud je ocijenio da je opravdano da novčana sredstva koja još uvijek nisu isplaćena povjeriocima po diobi budu prenesena na depozitni račun suda, imajući u vidu da iz navoda istaknutih u zahtjevu proizilazi da su preduzete sve razumne mjere kako bi sredstva bila isplaćena, ali da to za pojedine povjerioce nije bilo moguće uslijed objektivnih otežavajućih okolnosti te imajući u vidu da je velika većina ovih sredstava i isplaćeno, a da je preostao iznos od 70.402,99 KM što predstavlja samo 1,25% sredstava.

Radi ponovnog obavještanja zainteresovanih lica, sud će ovo rješenje sa podneskom stečajnog upravnika i tabelom objaviti na oglasnoj ploči suda i web stranici suda kako bi se, nakon prenosa sredstava na depozitni račun suda, povjerioci kojima sredstva još uvijek nisu isplaćena mogli obratiti sudu sa zahtjevom, a radi isplate sredstava.

Slijedom svega navedenog, a temeljem odredbe člana 22. Zakona o stečajnom postupku ("Sl. novine FBiH", br.29/03.).

Stečajni sudija

Vedran Milašinović

Pouka o pravnom lijeku;

Protiv ovog rješenja nije dozvoljena žalba.